



5. Tschanteda da la suprastanza cumünela in marcildi, ils 13.3.2019 a las 19.00 in chesa cumünela S-chanf

Presidi: Gian Fadri Largiadèr

Preschaints: Liun Quadri, Roman Parli, Mario Mammoliti

Suppleant:

Absaints: Paolo Bernasconi, Linard Luzi

Actuar: Gian Luca Vitalini

Tractandas:

- | | | |
|-----|-------|---|
| 1. | | Protocol |
| 2. | 0.211 | Dumandas da fabrica |
| 3. | 7.900 | Zonas da planisaziun |
| 4. | 7.000 | Surdeda da lavuors proget provedimaint d'ova Bügls |
| 5. | 1.010 | GIS Engiadin'Ota |
| 6. | 3.400 | Dumanda da contribuziun |
| 7. | 0.123 | ENPK rapreschantant vschinaunchas dal Parc Naziunel |
| 8. | 1.100 | Collavuraziun cullas vschinaunchas da Zernez, Val Müstair e S-chanf regard servezzan da pulizia |
| 9. | 8.160 | Surdedas da lavuors halla da deposit resgia S-chanf |
| 10. | 7.900 | Progets lavuors d'infrastructura |
| 11. | 9.999 | Varia |

La glista da tractandas vain approveda sainza objecziuns.

Protocol: Il protocol da la tschanteda dals 27 favrer 2019 vain approvo unanimamaing.

Protocol da decisiun

39 0.211 Dumanda da fabrica

19.01, Renovaziun chesa il Chardun

La suprastanza cumünela decida unanimamaing d'amortiser la dumanda inoltreda.

19.02 Vschinauncha da S-chanf, Moloc d'immundizchas, sanaziun infrastruttura Susauna, parcella 522.

La suprastanza cumünela decida unanimamaing d'aderir la dumanda da fabrica.

19.03 Renovaziun Chesa Lyss, parcella 433

La suprastanza cumünela decida unanimamaing d'aderir la dumanda da fabrica.

19.04 Müdamaints ed ingrandimaint abitaziun nr. 3, parcella 100

La suprastanza cumünela decida unanimamaing d'aderir la dumanda da fabrica.

19.05 Renover, isoler e rinfurzer il tet da la chesa, parcella 520

La suprastanza cumünela decida unanimamaing d'aderir la dumanda da fabrica.

**40 7.900 Planisaziun dal territori cumünel
Zonas da planisaziun**

Zona da planisaziun reducziun da la zona da fabrica

La vschinauncha da S-chanf muossa sü probabel zonas d'abiter, masdeda e centrela surdimensiunedas. Ils 20 marz 2018 ho la regenza grischunaisa decis sur dal plan directiv dal territori abitabel (KRIP-S), chi serva a la realisaziun da la ledscha federela surelavureda sur da la planisaziun dal territori (RPG 1), chi'd es entreda in vigur ils 01. meg 2014.

Seguanitas imsüraziuns sun da fer:

- Examinaziun d'üna reducziun da la zona da construcziun dadour u a l'ur dal territori pü u main surfabricheda confuorm las premissas da l'art. 15 alinea 1 e 2 (ledscha davart la planisaziun dal territori) scu eir il plan directiv chantunel d'aglomeraziun (KRIP-S) decis ils 20 marz 2018. Realisaziun da las ulteriuras prescripziuns da l'art. 15 scu eir dal KRIP-S, surtuot regard la promoziun d'üna preziosa aglomeraziun e d'üna renovaziun d'aglomeraziun (KRIP-S, cifra 5, 1, 2 instrucziun d'agir).
- La zona da planisaziun vain decreteda per la düreda da duos ans ed aintra dalum in vigur.
- La suprastanza cumünela as resalva, d'adatter u da concretiser la zona da planisaziun tenor la situaziun actuela da planisaziun.
- Illa zona da planisaziun nu po gnir fat ünguotta chi difficultescha u chi'd es cuntrari a la nouva planisaziun. In speciel paun gnir do permiss da fabrica be sch'els nu cuntradeschan a planisaziuns u prescripziuns leghelmaing valablas u planisaziuns previsas. Zieva l'approvaziun dals mezs da planisaziun revais tres la regenza dal chantun Grischun vain la zona da planisaziun darcho abolida.
- Cunter quista decisiun po gnir fat recuors infra 30 dis tar la regenza dal chantun Grischun daspö la publicaziun.

La suprastanza cumünela decida unanimamaing da sbütter üna zona da planisaziun. La suprastanza cumünela decida zieva animeda discussiun da na fer üna zona da planisauziun e da render attent resguardand la decisiun da la regenza da l'an 2014 cur chi haun aderieu la planisaziun da lö, saviand ch'ün'eivna pü tard vain missa in vigur la nouva ledascha da planisaziun dal territori. La suprastanza voul il prüm infuormaziuns detaglias dal planiseder.

Zona da planisaziun Susauna

A basa da l'art. 21 da la ledscha davart la planisaziun dal territori dal chantun Grischun (LPTGR) ho la suprastanza cumünela in occasiun da sia tschanteda dals 13 gën 2018 decretada la zona da planisaziun. Scopo da la zona da planisaziun d'eira da regler da nouv la situaziun da parker (impustüt sur terra) illa fracziun da Susauna sün territori da la vschinauncha da S-chanf. Il següaint sector es pertucho da la zona da planisaziun:

Zona per terrain verd, (ZTV) tenor plan da zonas dals 29 avrigl 2014. Lö da parker (plazzas da parker) tenor plan d'avertüra generel Susauna dals 29 avrigl 2014. In occasiun da la revaisa da la planisaziun dal territori (decis da la radunanza cumünela ils 29 avrigl 2014) es gnieu consciaint, cha la "zona per terrain verd" (ZTV) es gnieu decis scu zona da tngair liber absoluta.

La suprastanza cumünela decida unanimamaing d'abolir la zona da planisaziun illa fracziun da Susauna.

Liun Quadri s'ho absanto per la discusiuns e la decisiun.

41 7.000 Provedimaint d'ova Proget reservuar Bügls, lingias d'ova Murtiröl – Punt da Crap, funtaunas Murtiröl

Sar Martin Gini dal büro d'indschegner Gini ho in l'ultima tschanteda da la suprastanza cumünela spiego cu chi's voul ir inavaunt e glivrer il QS da l'ova da S-chanf. In degtagl voul que dir, chi's fo ün'analisa dal mumaint e's piglia sü l'infrastructura momentana dal provedimaint d'ova. Sar Gini spiega eir scu chi pudess guardar our la clef da spartiziun traunter la vschinauncha e la FLAB, causa cha la vschinauncha surpiglia eir üna tscher'infrastructura da la FLAB, e per sgürer, cha la vschinauncha nu surpiglia ün'infrastructura chi'd es infra cuort temp da saner cun grands cuosts. Medemmamaing es aint illa spartiziun dals cuosts, quaut cha la Flab ho da surpigliar vi d'üna sanaziun dals reservuars. Impü spiega sar Gini, chi'd es necessari da fer ün video cun üna camera aint ils büschens chi vaun da l'inchasch vers la funtauna principela da Punt Murtiröl per guardar in che stedi cha quella lingia es. Per pudair planiser e realiser las lavuors pendentas ho sar Gini inoltro ün'offerta. Quella cuntegna ün preproget e l'elavuraziun da las criterias da publicaziun pel provedimaint d'ova (funtaunas Murtiröl – reservuar Bügls – Punt da Crap).

La suprastanza cumünela decida unanimamaing da surder las lavuors da fer ün preproget al büro d'indschegner Gini per fr. 9'000.00 exclus isp. ed exclus cuosts supplementers.

Liun Quadri s'ho absanto da la discussiun e la decisiun.

42 1.010 Imsüraziuns, termaziuns, geometer GIS Engiadin'Ota

La gruppa d'interess GIS OE administrescha las datas da la vschinaunchas da la regiun Malögia. La cumischiun da gestiun dal GIS OE ho bsögn da sclarimaints per l'administraziun da las datas. Illa vschinauncha da S-chanf vegnan las datas pigliadas sü e

elavureddas dal brüo d'indschegner Quadri. Il contrat traunter la vschinauncha e'l büro d'indschegner Quadri vela fin la fin da favrer 2020. La cumischiun da gestiun dal GIS OE ho per seguaints puncts auncha bsögns da sclarimaints:

- Persuna respunsabla / persuna da contact da la vschinauncha per dumandas da GIS OE.
- Dir, scha la gruppa d'interess GIS OE dess surpigliar per las vschinaunchas il post da consegna per las datas pel cataster da las lingias (ova e ova persa) e da trametter inavaunt quellas al ALG a Cuira.
- Der resposta, scha la gruppa d'interess GIS OE dess pigliar sü ün proget (pigliar sü tuot ils catasters da l'ova persa + l'imsürasiun ufficiela) cun ün access ed ün pled da clever.
- Las vschinaunchas e la gruppa d'interess GIS OE paun der inavaunt quel access sün dumanda a firmas chi cunagischan la chanalisasiun.

Las datas dal GIS da la vschinauncha da S-chanf sun eir da der liber, per chi'd es sgüro, cha las datas paun eir gnir druvedas da personas (eir privats) sur il WEB-GIS Engiadin'Ota.

La supranza cumünela decida unanimamaing cha'l GIS OE surdo in futur las datas al ALG a Cuira. Impü decida la supranza cumünela da der liber las datas per l'ova potbala e ova asera a privats per l'invista. Medemmamaing decida la supranza cumünela da sciver oura las lavuors da pigliar sü las lingias a partir da l'an 2020.

Per la discussiun, la decisiun da sciver oura las lavuors e da pigliar sü las lingias a partir da l'an 2020 ho Liun Quadri pigliu s-chüsa.

43 3.400 Sport **Dumanda da contribuziun per la Freestyle WM 2025**

Ad es l'intent d'organiser da l'an 2025 üna Freestyle WM i'l Engiadin'Ota. Ils cuosts per quist arrandschamaint s'amuntan sün fr. 18 miu. las investiziuns per l'infrastructura sün bundant fr. 6 miu. Ils organisatuors dumandan cun dumandas da contribziun a las vschinaunchas da l'Engiadin'Ota per totel fr. 4 miu. La vschinauncha da S-chanf vess da surpigliar üna contribuziun da fr. 125'000.00. La proposta da finanziaziun dal comité d'organisaziun as muossa poch fundo e cun diversas cifras dubiusas.

Per pudair suottametter la dumanda da finanziaziun a la radunanza cumünela decida la supranza cumünela unanimamaing da refüser la documainta inoltreda e comunichescha al comité d'organisaziun, d'aunch'üna vouta surelavurer il proget inoltro e da surder ün dossier detaglio.

44 0.123 Delegaziuns **Rapreschantant dal Parc Naziunel**

Per la perioda d'uffizi 2020 – 2023 tschernu il cussagl federel l'ENPK. Tenor turnus propuona la vschinauncha da Scuol scu rapreschantanta da l'ENPK a duonna Aita Zanetti.

La supranza cumünela decida unanimamaing da sustgnair la candidatura da Aita Zanetti scu suessura da Ines Barblan.

45 1.100 Pulizia cumünela **Collavuraziun traunter las vschinaunchas da Zernez, Val Müstair e S-chanf e la pulizia chantunela regard servezzan da pulizia**

La nouva ledscha da pulizia es entreda in vigur ils 01. schner 2019. La legislaziun surelavureta ho per las vschinaunchas consequenzas decisivas. Sün invid da la vschinauncha da Zernez haun las duos vschinaunchas chantunaisas Val Müstair e S-chanf fat discuors culs schefs da la regiun da la pulizia chantunela sur ün'eventuela collavuraziun dal servezzan da pulizia. Per ils prossems trais ans gnis s-chaffida üna plazza d'80% per las trais vschinaunchas tres la pulizia chantunela.

La suprastanza cumünela decida unanimamaing da sustgnair la collavuraziun traunter las vschinaunchas. Quista tractanda vain prepareda per la prosma radunanza cumünela our dal motiv da collavuraziuns cun otras vschinaunchas.

**46 8.160 Resgia
Surdada da lavuors halla da deposit resgia S-chanf**

Per pudair auncha gliver las surdedas da lavuors per la halla da deposit illa resgia da S-chanf maunchan auncha duos surdedas. Üna vouta sun que las lavuors in lain e las lavuors pel nouv tet progeto.

A vain fat la proposta dal depüto da surder seguintas lavuors:

- Foffa Conrad Holzbau prolungaziun dal tet per fr. 19'500.00
- Foffa Conrad Holzbau fatschedas per fr. 50'000.00
- Cavegn AG tet in tola plus ils parasajettas per l'import pauschel da fr. 40'500.00

La suprastanza cumünela decida unanimamaing da surder las lavuors scu proposit dal depüto Liun Quadri a la frima Foffa Conrad per totel fr. 69'500.00 inclus isp. impü surdo la suprastanza cumünela las lavuors pel tet a la frima Cavegn AG per fr. 40'500.00 inclus isp.

**47 7.900 Planisaziun dal territori cumünel
Progets lavuors d'infrastructura**

Il progeteder e mneder da fabrica ho consegno a la vschinauncha da divers progets ("Boschetta Plauna – spostamaint da la lingia da chanalisaziun" e "traversa via chantunela Chapella Ospiz – lingia da chanalisaziun") üna survista dals quints finels. Impü es avaunt maun il programm da lavur/plan da termin per las lavuors d'infrastructura a Susauna. La suprastanza piglia cugnuschencha dals quints e dal plan da lavur.

La suprastanza cumünela giavüscha üna tschanteda cul progeteder e mainafabrica per discuter quista chosa a fuonz. Quista tractanda vain aunch'üna vouta tractandeda in üna prosma tschanteda da la suprastanza.

48 9.999 Varia

La suprastanza cumünela piglia cugnuschentscha:

Chüra da daints illa scoula duonna Monica Urech. Tenor rimbombs da las magistras sun quellas missas aint fich positiv. La mnedra da scoula Elvira Pünchera fo auncha üna pitschna survista regard la chüra da daints. Il contrat actuel cun duonna Urech stu gnir adatto.

Protocol da la suprastanza da l'ARO dals 31 schner 2019.

Invid per la radunanza generela da la Grischelectra AG.

Cunvegna sur da la restituziun da la PostAuto e'l chantun Grischun.

Avertüra dal liftin fin dumengia ils 17 marz 2019.

La supastanza cumünela piglia cugnuschentscha dal recuors chi'd es gnieu inoltro tal tribunel administrativ a Cuira regard la tscherna da la cumischiun da l'Ouvra electrica da S-chanf.

A las 21.45 vain la tschanteda alveda.

In buna fè

Il president:

L'actuar:

G. Largiadèr

G.L. Vitalini